

Opibus hodie floret: *Urbis Veneta Sponsa* cognominari solita. Fidem Christianam suscepisse traditur ab D. A. pollinari Raventum Præsule. Episcopatus habet titulum. De ea sic Scaliger:

*Qua pingues scatebras specula despectat ab alta
Postulat Imperij Brixia magna vices,
Coelum hilarum, frons lata urbi gens nescia fraudis*

*Atque modum ignorat divitis uber agri.
Siregeret patrias animis concordes oras,
Tunc poterat Dominis ipsa jubere suis.*

Lacus.

Est in hoc Territorio etiam *Quintianum* Opidum, viginti mill. pass. a Brixia Meridiem versus situm, prope Ollium amnem. Item *Reggiate*, *Bottesino*, *Uiele*, *Novalara* cum multis aliis. Lacus habet *Benacum*, sic dictum ab Opido quod hic olim, cuiusque hodie cernuntur vestigia. Hic *Lydius* Catullo, ab *Lydis* i. Tyrrhenis, quos fama est quondam vicinos illi agros coluisse: *Lago di Garda* Italice: *Gard-se* Germanice ab Arce orientaliore ripæ adlita. Hic Lacus, ut scribit ad Cardinalem Polum Alexius Vgonius, optimis piscibus aliis præstat: amenissimis Collibus circumseptus: undique fontes scatent: hac illa Nemora, Prata virentia, Vineæ, Olivæ, Abietes, Lauri, Cedri: Opida præterea rebus omnibus necessariis referta in modum coronæ illum ambiunt: ita ut nihil omnino illi desit ex hisce rebus, quæ loca Campestria visu quidem pulcherrima & usu grata atque jucunda efficere possunt &c. Est & alius *Sebinus* aut *Sevinus*, nunc *Lago d'Isèo* ab *Isèo* Castro quod in eius ripa. Hic exceptum ad Septentrionem Ollum, rursus ad Austrum evomit. Est denique inter *Sebinum* & *Benacum* Lacus *Idrinus*, vulgo *Lago d'Idro*, vel *Idro Lago*. Nomen illi ab *Idro* Castello. Alii ab *Hydra* dictum censent, quam Hercules hic perhibetur peremisse. Piscibus abundat. Exonerat se in *Idrinum* per varios amnes: Minores, qui vernacule *Lago Cap*, *Lago Runcone*, & alii, *Mella* vel *Mela* hoc Territorium medium quodammodo secant. Mellæ nomen retinet in hunc usque diem. Non percurrit tamen ipsam, uti videre est, urbem, sed haud procul inde ipsius agrum. Fluvius qui urbem perlabitur hodie *Garza* vocatur.

Flumina.

Ducatus Mediolanensis.

Regio.

Solifertilitas.

Imperium majorum.

DVCATVS *Mediolanensis* suo ambitu cccc milliaria complectitur. Incredibilis agro est fertilitas, copiaque rerum omnium stupenda. Tractum vero huic M. Marcello & Gn. Scipione Coss. cum plerisque urbibus Transpadanis in Romanorum ditionem concessisse, formamque Provinciæ accepisse, auctores sunt Livius, Florus, Polybius. In eadem urbe Imperatores aliquot posteriores confedisse loci oportunitate ductos constat, Nervam, Trajanum, Hadrianum, Maximinianum, Philippum, Constantium, Constantinum, Iovinianum, Valentem, Valentinianum, Theodosium. Trajanus certe regiam hic ædificavit, quæ hodieque nomen servat *Palatii*. Debilitata autem Cæsarum potentia, variorum hæc urbs Barbarorum impetu convulsa est & labefactata: Gothorum, Hunnorum, Langbardorum: quibus, Caroli Magni auspiciis, Italia exactis fidei se commisit *Francorum Regum*, inde *Germanorum Cæsarum*, quorum plerique Ferream Coronam Imperij solemnia, accipere ibi, in vetusta celebrique D. Ambrosii æde, consueverunt, uti singulorum exemplis probat Leander. Tandem sub Fridericis I & II Cæsaribus, quibus perpetuo rebellavit, novos sortita est Dominos, *Galentios Vicecomites*, qui deinde, anno cccccxciv Duce VVenceslao Imperatore nominati. His deficienti-